

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 22.03.2018թ. թիվ 1807814053 որոշումն անփոփոխ, իսկ վարչական բողոքն առանց բավարարման թողնելու մասին

<<16>> 05 2018թ. 17-13-59813-18/17-13-441

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Գարապետյան, վերանայելով Մարիետա Վարդիկյանի դիմումի քննարկման արդյունքում ստեղծված նյութերը

Պ Ա Ր Զ Ե Ց Ի


Երևան քաղաքի Դավիթաշեն 3-րդ թաղամասի 25 շենքի 50 բնակարանի բնակիչ Մարիետա Վարդիկյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին 22.03.2018թ. թիվ 1807814053 որոշումը՝ նշելով, որ համաձայն չէ որոշմամբ արձանագրված իրավախախտման հետ:

Դիմումի քննարկման և տեսանյութի լրացուցիչ ուսումնասիրման արդյունքում պարզվել է, որ դիմումատուի փաստարկը հիմնավոր չէ, քանի որ Ճանապարհային ոստիկանության վարչական տույժ նշանակելու մասին 31.05.2017թ. թիվ 1706191934 որոշման հիմքում դրված տեսանյութը փաստում է, որ վերջինս Երևան քաղաքի Նար-Դոս - Խորենացի փողոցների խաչմերուկ մոտք է գործում և այն ազատում էրթնեկելի առաջին գոտուց ընթացքով դեպի ուղիղ, այն դեպքում, երբ ՃԵԿՀ բաժնի կողմից 05.05.2018թ-ին տրված տեղեկանքի համաձայն նշված փողոցների խաչմերուկի հատվածում առկա են 5.15.1 <<Երթնեկության ուղղությունը գոտիներով>> ճանապարհային նշանը՝ որը համապատասխանում է ՀՀ կառավարության 26.10.2006թ-ի N-1699 որոշման պահանջներին և որի համաձայն դիմումատուն պետք է երթնեկեր դեպի ձախ, ուստի վերջինիս կողմից ակնհայտ է վերոնշյալ ճանապարհային նշանի պահանջը խախտելու հանգամանքը, հետևաբար վարչական պատասխանատվության ենթարկելու մասին որոշումն օրինական է և իրավաչափ:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 22.03.2018թ. թիվ 1807814053 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Մարիետա Վարդիկյանին:



Ե. Գարապետյան